

禍不千吉祥如意衆善齊降諸惡不生更
能於四時八節三元三會五臘十直甲子庚
申月旦本命是諸良辰吉日如法自持自然
千真萬合福壽延長七祖九玄均獲超度更
能傳授世人教信讀誦福利無邊是經功德

果報照然不可思議

天尊說是經已靈觀大聖教奉教旨下降人
間廣宣玄化十方天真大聖無鞅仙衆稱揚
讚嘆喜踊躍稽首禮謝

無上虛皇正真三寶作禮而退謹奉

道旨敬為流傳

太上洞玄靈寶五頭靈觀華光本行妙經評

太上說通真高皇解冤經
爾時太上道君與諸聖衆在八塞林下七寶
臺中羅列威儀敷陳道要怡神默坐如玉京
山放九色光明照福堂地獄見福堂之內男
女善人快樂無為逍遙自在後見諸地獄中
餓九窮魂以日繼夜受種種苦惱悉無人形
五體壞爛餓餐猛火湯飲鎔銅足履刀山身
負鐵杖徧體流血悲號徹天是時會中有一
真人名曰廣信從座而起稽首進前上白
天尊曰不審此苦窮魂生有何咎而受苦楚
老君曰受諸苦者在世之時不敬三寶欺負
神理十惡五逆不忠不仁不慈不孝殺傷物
命殺害衆生福盡壽終當受斯苦是時廣信
真人心生憐憫欲其拔濟幸望妙力感光許
令開度道君垂賜金言廣設法要為諸衆演
說是經名曰解冤拔罪流布於世利益存亡
若有善男信女專心志入靜室持齋戒香六
時行道轉念是經吾當隨願保佑真人使宿
世冤謝乘福超度幽冤苦爽各獲飛昇廣信
真人歡喜再拜而作頌曰

偉武大道君
舟楫生死海
罪對不復過
用神安可測

恒普無量功
濟度超羅酆
福報與冥通
讚之馬能窮

是時廣信真人與諸衆聞經既畢各各稽首

皈依信
受奉行

太上說通真高皇解冤經評